

GWEINIDOGION Y DU SY'N GWEITHREDU MEWN MEYSYDD DATGANOLEDIG**204- Rheoliadau Rheolaethau Swyddogol (Anifeiliaid, Bwyd Anifeiliaid a Bwyd, Iechyd Planhigion etc.) (Diwygio) (Ymadael â'r UE) 2020***Dyddiad gosod yn Senedd y DU: 2 Tachwedd 2020***Sifftio**

A fydd angen eu sifftio yn Senedd y DU?

Na fydd

Gweithdrefn:

Cadarnhaol drafft

Dyddiad trafod gan Bwyllgor Offerynnau Statudol Ewropeaidd Tŷ'r Cyffredin

Amherthnasol

Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi

Amherthnasol

Dyddiad y daw'r cyfnod sifftio i ben yn Senedd y DU

Amherthnasol

Memorandwm Cydsyniad Offeryn Statudol o dan Reol Sefydlog 30A (oherwydd eu bod yn diwygio deddfwriaeth sylfaenol)

Dim angen

Gweithdrefn graffu

Canlyniad y broses sifftio

Amherthnasol

Gweithdrefn

Cadarnhaol drafft

Dyddiad trafod gan y Cydbwyllgor ar Offerynnau Statudol

11/11/2020

Dyddiad trafod gan Bwyllgor Offerynnau Statudol Tŷ'r Cyffredin

Anhysbys

Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi

17/11/2020

Cefndir

Bwriedir i'r Rheoliadau hyn gael eu gwneud gan Lywodraeth y DU yn unol ag adran 8(1) o baragraff 7 o Atodlen 4 a pharagraff 21 o Atodlen 7 i Ddeddf yr Undeb Ewropeaidd (Ymadael) 2018.

Crynodeb

Mae'r Rheoliadau hyn yn diwygio'r rheoliadau presennol a ddargedwir gan yr UE (fel y nodir yn y Datganiad Ysgrifenedig) sy'n llywodraethu rheolaethau swyddogol ar fewnforion anifeiliaid a chynhyrchion anifeiliaid, planhigion a chynhyrchion planhigion i Brydain Fawr, gan gynnwys bwyd a mewnforion eraill sy'n berthnasol i'r gadwyn bwyd-amaeth – a elwir ar y cyd yn nwyddau 'i sicrhau iechyd (pobl) anifeiliaid a phlanhigion'.

Mae'r Rheoliadau hyn hefyd yn diwygio'r ddeddfwriaeth ddomestig ganlynol:

- Rheoliadau Mesurau'r Farchnad (Safonau Marchnata) (Diwygiadau) (Ymadael â'r UE) 2019;
- Rheoliadau Lles Anifeiliaid (Diwygio) (Ymadael â'r UE) 2019;
- Rheoliadau Meddyginiaethau Milfeddygol ac Anifeiliaid a Chynhyrchion Anifeiliaid (Archwilio Gweddillion a Therfynau Uchaf Gweddillion) (Diwygio etc.) (Ymadael â'r UE) 2019;

- Rheoliadau Anifeiliaid (Swyddogaethau Deddfwriaethol) (Ymadael â'r UE) 2019.

At hynny, mae'r Rheoliadau hyn yn cywiro diffygion cyfreithiol sy'n codi yn sgil ymadawiad y Deyrnas Unedig o'r Undeb Ewropeaidd y byddent – heb eu diwygio – yn atal y system reolaethau swyddogol bresennol, sefydledig a chysonedig rhag gallu gweithredu ar ôl diwedd y Cyfnod Trosglwyddo. Gelwir y rhain yn ddiwygiadau gweithredol.

Datganiad gan Lywodraeth Cymru

Mae Cynghorwyr Cyfreithiol yn gwneud y sylwadau canlynol mewn perthynas â datganiad Llywodraeth Cymru dyddiedig 6 Tachwedd 2020 ynghylch effaith y Rheoliadau hyn:

Mae'r Rheoliadau hyn yn trosglwyddo swyddogaethau anneddfwriaethol a deddfwriaethol i Weinidogion Cymru, Gweinidogion yr Alban a'r Ysgrifennydd Gwladol ar yr un pryd, gyda'r Ysgrifennydd Gwladol yn gallu arfer rhai swyddogaethau mewn perthynas â Phrydain Fawr – a gwneud rheoliadau ar ei chyfer – gyda chydysyniad Gweinidogion yr Alban a Chymru fel ei gilydd.

Mae gan swyddogaethau a drosglwyddwyd fel eu bod yn arferadwy gan yr Ysgrifennydd Gwladol gyda chydysyniad Gweinidogion Cymru y potensial i gynnwys y gofyniad i ymgynghori â Llywodraeth y DU o dan Atodlen 7B i Ddeddf Llywodraeth Cymru 2006 pe bai Bil Senedd yn y dyfodol yn ceisio dileu neu addasu'r swyddogaethau hynny.

O ran y pwynt hwn, mae Cynghorwyr Cyfreithiol yn dymuno tynnu sylw at y sylwebaeth ganlynol yn Natganiad Ysgrifenedig Llywodraeth Cymru:

“Mae gan y swyddogaethau cydamserol a geir yn y Rheoliadau y potensial i gynnwys y gofynion cydsyniad yn Atodlen 7B i Ddeddf Llywodraeth Cymru 2006 ac, fel y cyfryw, maent yn cyfyngu o bosibl ar gymhwysedd y Senedd yn y dyfodol. Fodd bynnag, rydym yn cynnal trafodaethau gydag Ysgrifennydd Gwladol Cymru mewn perthynas â Gorchymyn adran 109 o dan y Ddeddf i ddiwygio Atodlen 7B i negyddu'r cyfyngiad posibl ar gymhwysedd y Senedd yn y dyfodol.”

Cytundeb Rhynglywodraethol ar Fil yr Undeb Ewropeaidd (Ymadael)

Mae'r crynodeb uchod a chynnwys y Memorandwm Esboniadol i'r Rheoliadau hyn yn cadarnhau eu heffaith.